



ԱՐՁԱՆԱԳՐՈՒԹՅՈՒՆ ԹԻՎ 1715
ՎԱՐՉԱԿԱՆ ԻՐԱՎԱԽԱՆՏՄԱՆ ՎԵՐԱԲԵՐՅԱԼ

«04» հոկտեմբերի 2023թ.

ք. Վանաձոր

Մենք՝ ՀՀ առողջապահական և աշխատանքի տեսչական մարմնի հյուսիսային տարածքային կենտրոնի աշխատանքային օրենսդրության վերահսկողության բաժնի ավագ տեսուչներ՝ Անուշ Ոսկանյանս և Ազատ Իսաիրյանս, ՀՀ Լոռու մարզ, համայնք Վանաձոր, Տարոն 2, ԲՇՀ 3, 44 շենք, 5 բնակարան հասցեի բնակիչ Արշակ Մաթևոսյանի՝ 2023 թվականի մայիս և հունիս ամիսների աշխատավարձի չվճարման և արտաժամ աշխատանքի վերաբերյալ 2023 թվականի հուլիսի 26-ի դիմումի (մուտքագրված Հայաստանի Հանրապետության առողջապահական և աշխատանքի տեսչական մարմին (այսուհետ նաև՝ Տեսչական մարմին) 2023 թվականի հուլիսի 26-ին թիվ Մ-8287-2023 համարով), 2022 թվականի սեպտեմբերի 7-ին «Մ. ԲՈՒԱՏ» սահմանափակ պատասխանատվությամբ ընկերության (այսուհետ նաև՝ Ընկերություն) և Արշակ Մաթևոսյանի հետ կնքված թիվ 3 աշխատանքային պայմանագրի (այսուհետ՝ Պայմանագիր), Ընկերության տնօրենի 2023 թվականի սեպտեմբերի 7-ի թիվ 3 հրամանի՝ Արշակ Մաթևոսյանին աշխատանքի ընդունվելու և աշխատանքային պարտականությունների կատարմանն անցնելու թույլտվության մասին, ՀՀ պետական եկամուտների կոմիտեից ստացված թիվ 01/70-8/54658-2023 և 03/70-8/50877-2023 գրությունների, «Մ. ԲՈՒԱՏ» սահմանափակ պատասխանատվությամբ ընկերության աշխատակիցներ՝ Նվեր Համբարձումյանի, Գրիգորի Ավանեսովի, Պավլիկ Օհանյանի և Վաչե Վարդանյանի կողմից տրված բացատրությունների և 2023 թվականի օգոստոսի 22-ին Տեսչական մարմնի հյուսիսային տարածքային կենտրոնում տեղի ունեցած լսման արձանագրության ուսումնասիրությամբ պարզեցինք, որ.

ա. Արշակ Մաթևոսյանը շաբաթական աշխատել է 84 ժամ, որով խախտվել են ՀՀ աշխատանքային օրենսգրքի 139-րդ հոդվածի 4-րդ մասով սահմանված պահանջները, այն է՝ աշխատաժամանակի միջին տևողությունը շաբաթվա ընթացքում գերազանցել է 48 ժամը,

Տվյալ վարչական իրավախախտումների համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 41-րդ հոդվածի առաջին մասով:

բ. Արշակ Մաթևոսյանի արտաժամյա աշխատանքը 11 ամսվա ընթացքում կազմել է 1686,9 ժամ, որով խախտվել է ՀՀ աշխատանքային օրենսգրքի 146-րդ հոդվածի 1-ին մասով սահմանված պահանջը, այն է՝ տարվա ընթացքում արտաժամյա աշխատանքը գերազանցել է 180 ժամը,

Տվյալ վարչական իրավախախտումների համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 41-րդ հոդվածի առաջին մասով:

գ. Արշակ Մաթևոսյանի ամենշաբաթյա անընդմեջ հանգիստը պակաս է 35 ժամից, որով խախտվել է 155-րդ հոդվածի 5-րդ մասի 1-ին նախադասությամբ սահմանված պահանջը,

Տվյալ վարչական իրավախախտումների համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 41-րդ հոդվածի առաջին մասով:

դ. Արշակ Մաթևոսյանի համար չի հաշվարկվել և չի վճարվել՝

- արտաժամյա աշխատանքի յուրաքանչյուր ժամի համար ժամային դրույքաչափի 50 տոկոսից ոչ պակաս չափով հավելում, ընդհանուր՝ 1686.9 (մեկ հազար վեց հարյուր ութսունվեց ամբողջ ինը տասնորդական) ժամի դիմաց՝ 451141.7 (չորս հարյուր հիսունմեկ հազար մեկ հարյուր քառասունմեկ ամբողջ յոթ տասնորդական) ՀՀ դրամ՝ (2022 թվականի սեպտեմբեր ամսվա 123.4 ժամ արտաժամյա աշխատանքի համար 33418 (երեսուներեք հազար չորս հարյուր տասնութ) ՀՀ դրամ, 2022 թվականի հոկտեմբերի 159.4, նոյեմբերի 154.3, դեկտեմբերի 159.4, 2023 թվականի հունվարի 159.4, փետրվարի 144.0, մարտի 159.4, ապրիլի 154.3, մայիսի 159.4, հունիսի 154.3 և հուլիսի 159.4 ժամ արտաժամյա

աշխատանքի համար՝ 41772 (քառասունմեկ հազար յոթ հարյուր յոթանասուներկու) - ական ՀՀ դրամ,

- գիշերային աշխատանքի յուրաքանչյուր ժամի համար՝ ոչ պակաս, քան ժամային դրույքաչափի 30 տոկոսի չափով հավելում, ընդհանուր՝ 1312 (մեկ հազար երեք հարյուր տասներկու) ժամ գիշերային աշխատաժամանակի համար՝ 210532, 8 (երկու հարյուր տասը հազար հինգ հարյուր երեսուներկու ամբողջ ութ տասնորդական) ՀՀ դրամ (2022 թվականի սեպտեմբեր ամսվա 96 ժամ աշխատած գիշերային աշխատանքի համար 15595 (տասնհինգ հազար հինգ հարյուր իննսունհինգ) ՀՀ դրամ, 2022 թվականի հոկտեմբերի՝ 124, նոյեմբերի՝ 120, դեկտեմբերի՝ 124, 2023 թվականի հունվարի՝ 124, փետրվարի՝ 112, մարտի՝ 124, ապրիլի՝ 120, մայիսի՝ 124, հունիսի՝ 120 և հուլիսի՝ 124 ժամ գիշերային աշխատանքի համար 19494 (տասնինը հազար չորս հարյուր իննսունչորս) -ական ՀՀ դրամ, որով խախտվել են ՀՀ աշխատանքային օրենսգրքի 184-րդ հոդվածի 1-ին մասով սահմանված պահանջները,

- գործատուն Արշակ Մաթևոսյանին (ըստ Արշակ Մաթևոսյանի դիմումի) չի վճարել 2023 թվականի մայիս և հունիս ամիսների աշխատավարձերը, որն ըստ հաշվարկի կազմում է 194938 (մեկ հարյուր իննսունչորս հազար ինը հարյուր երեսունութ)-ական ՀՀ դրամ հիմնական աշխատավարձ,

պակաս է հաշվարկել և չի վճարել.

-2022 թվականի սեպտեմբեր ամսվա համար 44550 (քառասունչորս հազար հինգ հարյուր հիսուն) ՀՀ դրամ հիմնական աշխատավարձ,

- 2022 թվականի հոկտեմբեր, նոյեմբեր, դեկտեմբեր ամիսների համար՝ 83538 (ութսուներեք հազար հինգ հարյուր երեսուներկու)-ական ՀՀ դրամ, ընդհանուր՝ 250614 (երկու հարյուր հիսուն հազար վեց հարյուր տասնչորս) ՀՀ դրամ հիմնական աշխատավարձ,

- 2023 թվականի հունվար, փետրվար, մարտ, ապրիլ և հուլիս ամիսների համար՝ 139938 (մեկ հարյուր երեսունինը հազար ինը հարյուր երեսունութ)-ական ՀՀ դրամ, ընդհանուր 699690 (վեց հարյուր իննսունինը հազար վեց հարյուր իննսուն) ՀՀ դրամ հիմնական աշխատավարձ,



ընդհանուր գործատուն պակաս է հաշվարկել և Արշակ Մաթևոսյանին չի վճարել 2046402.1 (երկու միլիոն քառասունվեց հազար չորս հարյուր երկու ամբողջ մեկ տասնորդական) ՀՀ դրամ աշխատավարձ, որից՝ 1384727.7 (մեկ միլիոն երեք հարյուր ութսունչորս հազար յոթ հարյուր քսանյոթ ամբողջ յոթ տասնորդական) ՀՀ դրամը կազմում է պակաս հաշվարկված և չվճարված հիմնական աշխատավարձը, 210532.8 (երկու հարյուր տասը հազար հինգ հարյուր երեսուներկու ամբողջ ութ) ՀՀ դրամը՝ գիշերային աշխատանքի դիմաց հավելումը և 451141.7 (չորս հարյուր հիսունմեկ հազար մեկ հարյուր քառասունմեկ ամբողջ յոթ տասնորդական) ՀՀ դրամը՝ արտաժամյա աշխատանքի դիմաց հավելումը (ներառյալ հարկերը և պարտադիր այլ վճարները), որով խախտվել են ՀՀ աշխատանքային օրենսգրքի 192-րդ հոդվածի 1-ին մասով սահմանված պահանջները:

Տվյալ իրավախախտումների համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169⁸-րդ հոդվածի առաջին մասով:

ե) Գործատուն Արշակ Մաթևոսյանի 2023 թվականի մայիս և հունիս ամիսների աշխատավարձը չվճարելու, 2022 թվականի սեպտեմբեր, հոկտեմբեր, նոյեմբեր, դեկտեմբեր, 2023 թվականի հունվար, փետրվար, մարտ, ապրիլ, և հուլիս ամիսների պակաս վճարված աշխատավարձերի մասով աշխատողին յուրաքանչյուր կետանցված օրվա դիմաց չի վճարել 0.15 տոկոսի չափով տուժանք, որով խախտվել է ՀՀ աշխատանքային օրենսգրքի 198-րդ հոդվածի 1-ին մասով սահմանված պահանջը:

Տվյալ վարչական իրավախախտումների համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 41-րդ հոդվածի առաջին մասով:

Գործի լուծման համար անհրաժեշտ այլ տեղեկություններ

2023 թվականի հուլիսի 26-ի թիվ Վ/Դ-314 վարչական վարույթը հարուցվել է ՀՀ առողջապահական և աշխատանքի տեսչական մարմին 2023 թվականի հուլիսի 26-ին թիվ Մ-8287-2023 համարով մուտքագրված Արշակ Մաթևոսյանի՝ 2023 թվականի մայիս և հունիս ամիսների աշխատավարձի չվճարման և արտաժամ աշխատանքի վերաբերյալ 2023 թվականի հուլիսի 26-ի դիմումի հիման վրա:

Խախտման համար պատասխանատու է՝

1. Գարսևանյան Լիդա Համլետի.
2. Աշխատանքի վայրը, կազմակերպության գտնվելու վայրը՝ «Մ. ԲՈՒԱՏ» սահմանափակ պատասխանատվությամբ ընկերություն, ՀՀ, Արարատի մարզ, գյուղ Հայանիստ, էջմիածնի փողոց, 35.
3. Զբաղեցրած պաշտոնը՝ տնօրեն.
4. Բնակության վայրը՝ ՀՀ, քաղաք Երևան, Քանաքեռ Զեյթուն, Ազատության պողոտա, 2 շենք, 47 բնակարան.
5. Խախտման համար պատասխանատու անձի անձնագրային տվյալները՝ անձնագիր՝ AR0349464, տրված՝ 28.06.2017 թ., 007-ի կողմից:

Իրավախախտողի բացատրությունը _____

(իրավախախտում կատարած անձի ստորագրությունը)

ՀՀ առողջապահական և աշխատանքի տեսչական մարմնի
հյուսիսային տարածքային կենտրոնի աշխատանքային օրենսդրության
վերահսկողության բաժնի ավագ տեսուչ Անուշ Ոսկանյան _____

ՀՀ առողջապահական և աշխատանքի տեսչական մարմնի
հյուսիսային տարածքային կենտրոնի աշխատանքային օրենսդրության
վերահսկողության բաժնի ավագ տեսուչ Ազատ Իսախրյան _____

Արձանագրությունը ստացա

(իրավախախտող անձի ստորագրությունը, ստացման ամսաթիվը)

Արձանագրությունը ստանալուց և ստորագրելուց հրաժարվելու մասին նշում

Նշում արձանագրությունը պատվիրված նամակով ուղարկելու և ստանալու
ծանուցման մասին,

(ուղարկելու ամսաթիվը, անդորրագրի փոստային ծանուցագրի համարը)

Ծանոթություն

Վարչական իրավախախտումների վերաբերյալ ՀՀ օրենսգրքի 267-րդ հոդվածի համաձայն՝ վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, ապացույցներ ներկայացնելու, միջնորդություններ հարուցելու, գործի քննության ընթացքում օգտվելու փաստաթանի իրավաբանական օգնությունից, ելույթ ունենալու մայրենի լեզվով և օգտվելու թարգմանի ծառայություններից, եթե չի տիրապետում այն լեզվին, որով տարվում է վարույթը, գանգատարկելու գործով որոշումը: Վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

